

Parke di recreo aquatico ta djis un parti di un inversion gigantesco den De Palm Island

Inversion di 4.5 miyon florin ta crea 25 cupo di trabou nobo

ORANJESTAD—E tabata un di e trabounan mas grandi y miho coordina na Aruba di ultimo tempo. Preparacion pa construccion di e parke aquatico na De Palm Island ta marca historia na Aruba den tur sentido.

E proyecto di 4.5 miyon florin di mehoracion di producto na De Palm Island, cu ta inclui construccion di e "Blue Parrotfish Water Slide Park" tabatin añanan den mente di gerencia di e compania Arubiano, y cu danki na un colaboracion grandi awor lo bira un realidad.

Un team ehecutivo di De Palm Tours ayera tabata sumamente orguyoso pa



presenta e proyecto di e parke di entretenimento aquatico, pero tambe pa e forma con a planea y ehecuta inicio di e construccion.

Segun Gerente di Mercadeo Angelica Vleeming, locual por mira awe riba De Palm Island ta solamente e comienzo di un etapa nobo di e isla. Miembro di Directiva di De Palm Tours, Ricky Malmberg a bisa cu e compania ta pasando momentonan hopi exitante, specialmente despues di a logra cuminsa cu construccion di e facilidad nobo na un forma asina espectacular. Mientras cu e trabou mes a cuminsa Diasabra anochi pa 11'or, a intensiva Diadomingo

Un sueño di un visionario den mundo turistico

Harold Malmberg nunca a duda den e desaroyo continuo di De Palm Island

ORANJESTAD - Pa Harold Malmberg, e por a dura aña, te hasta decada, pero tur e desaroyo riba De Palm Island no ta algo nobo p'e. E plannan aki ta den su mente te hasta prome cu Aruba a haya su Status Aparte na 1986. Es mas, ta desde comienzo di decada di 80 cu e Gerente Director di De Palm Tours tabata cana cu idea pa converti un di e caman dilanti WEB den un centro di recreo. Pa algun aña tabata parse cu Gobierno no tabata mucho interesa, te ora cu Lago a sera su portanan. E anochi ei, Difunto Betico Croes a yama Harold Malmberg pa puntr'e si ainda e tabata interesa den crea un 'De Palm Island,' ya cu tabatin preocupacion pa e cantidad di personanan cu a keda sin trabou e tempo ei. "Pa su mañan caba mi a bai Gobierno, pa cuminsa papia," Malmberg ta corda.

Asina mes, e proyecto di De Palm Island no a materialisa te na 1988, ora cu a cuminsa construccion riba e isla. "E tempo ei, ningun hende a realisa y no a compronde kico tabata nos intencion. Ni

nos bankeronan. Unicamente nan tabata mira barancanan." Pero, pa e doñonan di De Palm Tours, nan tabatin henter un vision di locual lo mester a bira De Palm Island. Y nan a realisa cu mientras cu tur hende tabata concentra riba expande e capacidad di hotel na Aruba, ningun hende tabata pensa riba e facilidadnan di recreacion pa e turistanan, unbes cu nan ta na nos isla. Algun hotel a traha algun facilidad chikito, pero cerca di nan mesun propiedad. "Nos tabata kier a combina transporte y cu actividad recreativo. Pero, no solamente pa e turista, sino tambe pa nos mesun hendenan," Malmberg a bisa. Harold Malmberg na 2006 no ta den e maneho diario di De Palm Tours, pero ainda ta yuda dirigi e compania tras di cortina. E sa exactamente kico ta pasa, y ta duna su guia unda mester, "pero e plannan t'e ei, y nan mester keda ehecuta."

DE PALM ISLAND TA UN PROCESO

For di momento cu a cuminsa

cu e proyecto di De Palm Island, tabata sa cu e ta un proyecto den proceso. E compania mester a atende cu e demandanan di un destinacion creciente, cu tabatin responde na e necesidad di mas transporte, mas deporte aquatico, y otro seccion di e compania. Den otro palabra, mester a inverti den e otro partinan di e negoshi. "No por a haci tur cos e mesun momento. A bira necesario pa traha riba e proyecto di De Palm Island den fase. Y e fase na e momento aki ta toca pa inverti grandemente den De Palm Island."

Y De Palm Island no ta solamente pa turista. Harold Malmberg ta sumamente orguyoso di e hecho, cu localnan a braza De Palm Island como un di nan luganan favorito pa recreo sano y den famia. "E ta algo bunita. E ta unico luga unda hende por descansa di berdad, sin cu tin hende ta molestia otro, unda tin un ambiente bon controla. No tin posibilidad cu tin hende cu mal intencion por ta activo riba e isla aki." Yamativo ta cu De Palm Island ta bon



bishita pa turistanan den siman, y den fin di siman cu ta e dianan cu e turistanan ta biaha, e isla ta bon concuiri pa localnan. Pues, por bisa cu e demanda di turista y local ta complementa otro. Harold Malmberg en todo caso, ta orguyoso di mira con e generacion nobo

di miembro di Directiva di De Palm Tours, y di ehecutivonan di e compania a tuma e proyecto den nan man y ta ehecutando e plannan cu a nace algun decada atras, pero cu ta cumpli cu e necesidadnan di recreo di awendia.



marduga, mester bisa cu e planeamento tabata hopi preciso y a cuminsa pa algun siman caba.

E motibo ta simple. Bashamento di e fundeshi pa e pool, esta e base di unda e parke aquatico lo ta ubica tabata un proceso monumental for di e punto di bista tecnico. Mester a prepara e infraestructura riba e isla, pa asina prepara pa e trucknan di cement di ATCO bin basha e concret. Y pa e trucknan aki por a yega De Palm Island alrededor di 5'or, Diadomingo mainta, mester tabatin otro logistica prepara, ya cu mester a transporta tur esakinan cu un barco di Global Marine, esta "Don Andres" y "barge" special di ARNOR. "Don Andres" a transporta e trucknan, cu a baha riba e isla via e barge aki. Sres. Geerman y Mendez tambe a haya gradicimento pa e trabou cu nan companianan di construccion a ehecuta. Banda di e trabounan den fin di siman, e compania UNIPA tambe a haya menshon pa e trabounan grandi cu a haci caba pa crea e beachnan nobo riba De Palm Island. Orlando Hoevertsz y Marc Hudson di

Hoevertsz Architects tambe a contribui cu nan experticio den e proceso grandi di inicio di e proyecto.

"E tabata algo unico pa nos y e otro empresanan cu a traha riba e isla," Ricky Malmberg a bisa, gradiciendo specialmente ehecutivonan di De Palm Tours Jessica Murillo, lider di Desaroyo di Proyecto y Daniel Aguirre, Gerente di Mantencion y otro trahadonan di e compania cu a realisa e trabou.

E parke mes, cu lo por wanta te hasta como 400 a 500 hende na e mesun momento, lo opera cu awa dushi. E motibo ta cu awa salo ta causa mas erosion y kizas mas importante, e ta crea alga, cu por dañá e pompnan. A tene cuenta pa uzo mas eficiente di awa, pues ta rekeri un inversion den un camber di machine hopi sofisticada cu lo keda construi despues.

E "water park" por yega te na un altura di 20 meter y por ta califica como un parke di recreo aquatico di un grandura medio. Lo e ta e prome den Caribe, y ya caba companianan crucero a reacciona positivo, mirando cu ta ofrece nan clientenan mas actividad.



Segun ehecutivonan di De Palm Tours, e inversion grandi aki ta nifica cu lo mester aumenta e prijs di entrada, pero ta segura cu esaki lo no ta drastico. Mas ainda, e ta keda un pakete completo, cu ta inclui bebida y cuminda. Ademas, e prijs pa local ta keda mas atractivo. Especialmente pa motibo cu ta kere cu mas cu nunca, unbes cu e facilidad nobo habri, famianan berdad lo por pasa momentonan hopi agradabel hunto, unda grandi y chikito por goza, sea den e parke of relahando na e varios areanan di beach cu a crea.

Y pa mehora seguridad, De Palm Tours a inclui tambe den e proyecto, un facilidad



di prome emergencia, cu lo ta ekipa segun e exigencianan mas stricto. Esaki ta pa percursa cu lo por atende cu cualkier caso emergente cu por surgi.

Tur esaki ta necesario pa cumpli cu e proyeccionnan di e compania cu a mira mas

di 145 mil bishitante riba e isla na 2005, y cu ta spera di aumenta e cantidad aki cu 50 porshento pa fin di 2006. E inversion grandi riba De Palm Island ta birando un realidad cu financiamiento di AIB Bank y ta nifica un creacion di 25 cupo di trabou nobo.